



未之思軒詩草拾遺

大興 朱錫庚

少河

敬次玉亭中丞示諸牧令詩四首元韻

王道本同春治術如行水水煖魚揚鬣春生花吐蕊民性
將毋然求之不遠矣風雨唯星從好惡自民視擾之膏盲
生馴之痼疾起針砭毋劇投疴癢俟徐已吏飽民始臞官
憂民斯喜堂上緩追呼田間樂于耜鞭箠漫相加彼亦猶
人子嗷嗷失所養襁褓將何恃一粟膏與脂一絲紈與綺
絲粟慎由來窮黎念勤只

聽訟吾猶人不在敲與撲忠信自抒情片言奚待覆色聽
兼氣聽用耳寧廢目鈞距徒術取文致勞紛逐一失千里
差沉寃埋深瀆漫云迎及解慎哉刻木肅法律信精嚴輕
重爰意屬剖決雖如流珍重判簡牘一成不可易平反礙
窮鞠牧令最近民持網繫岳牧

政迹在寬猛民氣有急舒張弛失其宜德化將敷焉敷彼
哉羔裘子何事擁華裾搯之如束濕本撥枝先枯民情有
欣感疾痛疇能除但勿竭其源耕鑿恒嬉呼民情有淳澆
奚辨賢與愚但勿鑿其真渾噩躋華胥催科政所急毋使

罄室儲徭役古所興勿致忘哺雛設網既已密尚漏吞舟
魚摘伏信云巧機動猜鷗鳧昔人牧牛肥非必粟與芻庶
幾通斯術不素升斗糈

淡妝誰云真不如入時好流徵雖云清但傷和者少珠玉
難充飢人偏厭梁稻自笑亦何迂忠信以為寶賦性本愚
頑竊願比勁草拔心恒不死卷施耐霜曉豈宜當門植莫
向狂風掉幸依松柏身亭亭任攀繞雲露未曾乾枝葉無
愁搞託根恩已深結草願何了唯念百寄里三時尚無擾
聊酬國士知敢學飢鷹飽不避賡歌俚洪爐欣再造

讀退思齋詩集敬成四十韻

庭堅倡賡拜吉甫陳清風從來古大臣對揚亮天工黃鐘
發正響瓦釜羞涇壠緣其蘊積厚遂爾音聲洪白山鍾靈
秀楨幹唯我公世族本旄車立身期華嵩折旋中秘府迴
翔青瑣櫳歷職熙庶績帝眷日以隆三晉仗節麾要綏
韓范功經文而緯武綱紀一手綜官吏惕冰淵卒伍無籠
東剔釐絕雀鼠摩拊甦疲瘵羅羅復井井退食思春容高
牙大纛內澹泊書生同擁鼻聳山肩抒寫烟霞空吐納類
春雲萬象歸牢籠有時撫漢魏遠躡河梁蹤間復似王褒
幽秀含鮮穠案頭春爭束珠玉紛瑋琮雨暘及利病長言
揭深衷縷縷寸管心念念民生通香山創樂府杜陵修水
筒要皆許稷高因之寄高宮竭來督滇黔控制邊疆雄班
春編六詔精白孚蒼穹與道已大適逢年皆屢豐冠恂去
復來望重笮焚中緬寧咸革俗勛邁西林翁賤子辱故吏
問業時追從繩墨賴榜檄絲竹昭頑聾無何遭蹇舛矰弋
加冥鴻偃然成不材匠石羞斲礪感公持大治幸作祥金
鎔誦公詩千遍懷公山萬重願公若黃花晚節彌靖共喜
公如蒼岩冰鑑懸高峰蒼生與孤寒羣望魚噏喁轉轂沙

堤接黃聞閣瞻登庸我家畿輔間一廛老為農尚能甘澤
謠鼓腹歌邕邕

乙酉莫春獨遊龍泉寺有懷十二舍弟

為憐雨過惜餘菲獨自尋芳獨自歸一帶平蘆剛礙屐半
山殘靄欲侵衣好花如舊人增老征雁離羣夢久違同是
昔時歌詠處年來辜負紫薔薇

過韓信嶺口占

真假何分王與侯多多善將古無儔誰知絳灌今為伍轉

比當年胯下羞

侯能辱於胯下少年而不
甘於噲等伍殊不解也

和文信國琴摹本元韻

成仁取義歌莫哀惟公正氣凌乾台土星犯座公赴敵軒
昂獨抱遺琴來當時四鎮議竟寢更張罔措挫雄恢時危
那堪膠柱鼓歲寒可奈猗蘭摧五坡嶺飯爨方舉頃刻不
戒焦桐突劉烹趙縛爭並命膠漆迸裂嗟陳雷大絃既掣
小絃折十二死士驚轟逐試撫瑤徽譜往事恨不覺鼓殲
渠魁松風瀟瀟雨聲急壯懷激發仍低徊法器流傳在閩
海素紙拓寄來燕臺鞠通食餘廿八字未異丹篆鏤金壘
嗚呼公之精忠恒不朽琴弓定是雲和才

喜雨歌

我來繼作喜雨歌願頌 聖德追元和昨聞 郊壇 親
步禱雨師隨洒金堤沙初為甘霖潤泥細一夜徧注迷滄
波堯荒湯旱事或偶暴寇暴巫理則那從知格誠貴以寔
天網宜恢一目羅狂言聖擇古罕有繫臣南冠今同科
手書綸綍四海見仁言不費虛詞多矧當止戈必洗甲兜
鍪捆載歸明駝潢池弄兵赤子耳澤流恩霈綏江沱賣刀
買犢耕代戍一犁膏霖嬉瑳瑳更煩濡染大手筆豐碑紀
寔堪摩娑自笑為雲恰膚寸崇朝未出山之阿他時採風
及芻獻藻繁可許登靈犧

蘭楣移居詩以寄之

繞屋扶疎雨後容庭堦小立思無悰今宵兩地疑楚寂一
夕相思倍酒濃咫尺似迷千里月重城只隔五更鐘閉關
更擁詩囊壯好假金篦刮目逢

題叢桂圖為淵如比部作

馥郁芳姿自絕塵雲中移種月中身每愁夜靜秋容淡一
粟飄來滿座春

幽懷偏覺淡勝濃羞向凡葩較異同二十四番花信到肯

拋消息向東風

却謝紅塵暗吐芳白雲深處好珍藏全憑桃李相爭艷早
待黃花結晚香

開徧名花八百株小山縹渺獨扶蘓蜂狂蝶戀空相望此
種幽香到也無

重陽日淵如席上贈行口占

不挿茱萸折柳枝登高偏值送歸時何緣此際逢重九此
後重逢莫再離

臨風落帽悄無言把酒論懷酒不溫誰說豪情能買笑千

金無計覓銷魂

倚酒心情別樣酸踟躕繞盡碧欄干早知離別輕於此空
費當年見苦難

靈珠皎潔不沾塵拋却韶華二八春布韞青鞵歸計穩笑
儂猶自不如人

癸卯二月廿日夜雪比午乃霽

二月廿日春尚薄夜半微寒侵春幕睡起不覺天已曉猶
憶窗前月將落推窓却訝素娥逃夢破梨花雲樹白昨宵
天朗景物華閒步春郊春正賒十里長條未吐芽斗見柳

絮今飄花天工太巧人太癡深巷小兒羣呼奇我亦顧之
驚却立捫舌不語交然疑眨眼忽見金霞闢萬頃柔脂血
凝碧冰肌乍暖玉骨溫香汗輕流衫欲濕落花散去渾無
蹤一片連城暫馬擲魂魄蕭蕭無莫處階前滴漉空如訴
他年記取鴻爪痕池畔牆東是雲侶我感此意默良久信
久造化真奇手一犁泥滑新苗萌飽看青青徧郊藪

過沂東洪桐生太守即和紀豐元韻

客冬我于役言過沂水境冠公方來東夜清魚鑰靜信宿
徐榻陳馳驅皖江省趨庭百廿日心旌翻若騁王歎坂九

折冉請粟五秉寧願負笈游倚閭恐延頸揚帆大江頭一
瞬萬山屏山靈盟余心遙征游子幸渡黃轉淹留謬倩轄

投井

將時有留行者
車馬遣去

行潦埋輪深朝露侵衣冷重經鄭公驛

百里相招請

君遣騎迂
余於郊城

推食忘爾汝解衣共形影猪肝豈

豈累人日給官厨餅誰知賢大夫方殮魚一丙竭來田間

行謳歌村路永謂云今茲年雙穗歧滿頃行看其獲期倉

箱及艇艫三冬食無虞四野甲可整無何天風雨三日霾

曦晒曰陰風為曠蓄沴恐及青太守閉閣居點繪郊原景

引躬咎未遑雄文脫竒穎至誠神可通瞥霽朝暎同禾麻

秀自扶膝畦翠交併天心近可知佑直抑驕逞感召提須
與仁愛迺示警我從東南來斯邦較不猛他時應徵黃努
力駕臨穎

夜步口占

一夜雨濛籠微雲蕩晚風月明深樹裏人立小庭中此際
心如洗今宵夢亦空情懷太消瘦千里應相同

懷洪穉存

談兵氣壯舌難捫越俎甘為城旦論射策昔猶稱敢諫移
書何不應求言朝衫典却辭金馬彩筆簪隨出玉門自是

聖時全直慙好珍眠食料寒溫

哭武虛谷

高懷傲骨總非宜滿腹詩書數自奇服古那堪為俗吏窮
經端不愧人師壯猶未用老先及生欲逃名死益隨多謝
當年諸父老攀轅無計挽靈輻

學列儒林政入循龔黃慈惠賈匡醇摘奸已落豪胥胆執
法難逃上相瞋暮月牛刀遺愛古千金馬骨受知新茂陵
草漫悲生晚身後藏書取次陳

哭二雲夫子

自昔先君沒傷心半百時斯文驚墜絕多士失依持大雅

歸誰氏通儒屬我師談經在求是問字不闕竒博物精微

析多聞直諒宜前身推許鄭當代擬虔達重望人方倚高

明鬼詎覘後先心可證修短數同竒先生沒年五十三好

古情如癖衡材照履疲蘭因香自爍膏以燕仍虧起起疇

呼亟熒熒不慙遺炎蒸疑往昔淒楚共今茲先生諱以六月二十七日

先生諱以六月二十七日問難三千執提携十載思錫庚自丙午狂欣

點異撰達許賜言詩父視嗟予子公歸益我悲元言寧復

續神指莫能窺古制勤無服依廬願可追人師難更得吾

道豈云私酬酒情何極陳詞信有知九原倘可作天問不

須為

中元有懷

露下花開葉葉肥蟲聲繞砌碧烟圍人經別後秋來早病

與愁俱夢故違瘦骨支離寒月影行人珍重晚涼衣去年

燈下酬吟夕欲續紅箋事已非

七夕有感漫成長律東開如刑曹亦不自解所謂也

當勉為能之

默默閒愁七夕前人間漫為女牛憐連宵若隔三生夢咫

尺猶疑万里天塵世幾回當此夜神仙自古不知年銀河
有恨終成渡織石忘情尚覓緣翠檻朱欄應未改金風玉
露總無邊修廊小立空相望一樣懷人更惘然

書李載園海門詩鈔後

客路何期話舊盟瑤編相示細論評久經宦海情彌重多
覽名山思不平杜老襟懷輸任俠歐公蘊藉遜研精馮唐

白首今零落

謂馮魚山比部

全粵同收海內名

魚山題辭有自可光全粵之句

記得初逢春日遲海棠剛於放棄花枝

丙午歲與君相識在都門東花寺中

廿年囊貯三千首一別人經半百時官好轉將文藝掩官君

直省循聲藉甚

才高多被鬼神疑

君為名解而未入詞館

羨君早有名山業

笑我疎狂搃未宜

哭余少雲即題畫幀

怪貌雄心一少年生堪磨折死堪冤峻嶒曾次詩真偉潦
倒行踪畫可論廿載風塵歸腐艸千金花月買銷魂小齋
尺幅聊收却一片淒雲苦雨痕

尺幅生烟幻跡陳空留廿載夢中身只應性癖耽邱壑孰
道才高忌鬼神一名山葬奇骨三秋苦雨哭斯人魂歸
何處招能得試讀離騷問九旻

苦竹吟

小園春意滿百卉各爭榮海棠朝睡酣丁香雲瀰漫梨花
尤艷冶頰兔光驚竄藥枝似碧桃纍纍如珠貫獨有墻東
竹蕭疎垂直幹骨立蒼玉姿蓬蒙若髮亂問君何復爾頽
之心鬱惋豈厭衆芬芳不與爭燦爛抑豈畏炎氛清心未
可換默默竹無語對我聊復嘆匪我無顏色君心易把玩
我豈厭芬芳芬芳任璀璨何畏炎與氛我心自冰炭此意
誰復知早結青松伴

題當塗魯畹蘭夢槐圖二首

一片清陰一曲溪半生消受未曾知幾年別路三千里滿
眼緇塵兩鬢絲歸憶青山猶似昔夢驚老樹已如斯可憐
卅載寒燈夜付與西窗冷露枝

年來潦倒興偏狂別却橫峰走太行浮世豈同清覺過高
情隨愛好陰光紫髯買笑新歌板絳帳談經舊講堂

圖客
陝西

益運使沈公業富幕中作到處林泉堪寄跡天涯何必是

家鄉

荔裳方伯曩惠手牋自注云百忙中親手書也至今

七載矣口占二首奉寄

七載曾叨親手書朝朝懷袖思何如從教一字千金抵抵
得黃金萬萬餘

尺素遺來歲月更豪光墨瀋最晶瑩相思無計消飢渴幾
欲呼童當鯉烹

七夕和溫飛卿韻

一水盈盈思正悠橋成鵲散月如鈎今宵織室梭應罷萬
古銀河水不流但把情懷問前夕相將風露付明秋年年
此日長相見底事人間恨女牛

甲辰七月廿五日小院開丁香一枝詩以誌異

玉骨冰肌暗吐芳蕭條恰稱不時妝半含春意凝秋露欲
與黃花競晚香卻立西風羅袖薄斜依明月玉釵涼筆華
從此知逾健一縷芳魂入夢祥

丁巳正月三日雪中隨侍家叔父登大觀亭

嘉慶二年三之日樞謁孤忠亭躡立登堂瞻拜神崔巍瞥
眼空濛飄六出江天浩渺色迷漫雲樹樓臺成玉質樓中
節使今再來昔種梅柳今鬢鬢樓上神仙舊賓主笑拈萼
綠天花開前緣漫問三生石舊雨依然朝與夕我昔未歷
今追陪覓遍蘚苔捫壁題名宛在迹如新鴻爪無痕雪空

白昨渡江登太白樓大觀亭復茲來遊他日重經賦江水
一掃烟霧看江流

病馬 和曹堯賓

天驥由來產渥洼一生猛志戰飛沙雙蹄尚憶臨雲急兩
耳猶懷入陣斜萬里爭誇神崒崒千金誰買骨槎枒長嘶
伏樞恩思報曾躡君王上苑花

莎衣 和楊朴韻

秋蘭為佩芰為衣制作依然太古宜林樾行來青翠滴烟
波散處綠雲披芒屨竹笠真 適細雨微風恰稱時最喜

一綸臨釣罷月明歸去笑將伊

落月 和元微之韻

黑雲遮月落池影透星光素瑟初張石清音已繞梁螢從
明處宋花自暗中香露密枝低下斜依小坐傍

中秋後一日山尊孝廉招飲東齋用桐生太史元韻

秋爽仍饒綠意肥輕颺披拂座成圍涼陰匝地鋪游屐零
雨中宵感客衣竹葉深濃攀我醉菊花淡遠似君稀旅懷
漫惜冰蟾遠並望雲從隴首飛 時季父在皖江

丁未仲冬十有七日集徐民部惕菴厲齋為消寒之

飲觀元人鬥牛圖即席分賦

北風捲地聲如湍庭前老樹驚翻瀾閉戶獨坐心悲酸忽
聞有客呼消寒倒屣出就行踉蹌炭爐煬酒、生骨飴餌
錯雜齊堆盤破除酒力與寒敵紙窗燈火餘清歡主人手
出尺素絹挑燈掣視邀同觀突兀牛四角雙勢何桓、一
牛豎立意未下一牛觝角先騰搏千人追呼衆擊鼓手指
駢集羣心攢揚鞭持撻趣牛鬥蹠蹴牛仆人低看鼓聲如
雷勢如激藏怒不發交相蟠擊觴拂幘觀未已願出一語
聊為難兩牛果何謂無故來相揮崇朝得失不肯讓勝負
豈值爭毫端當時鼓哀兩力盡勝者神敵負者完卷君此
圖置勿道細故齷齪安足歎君不見諸賁隱市賈手提兩
牛只一剖拍浮相勸毋自苦有酒千榼傾不數我醉甘罰
千童殺

嘉平四日同人再集詠淵如太史家藏高克尊

清人清人在河消聿歸不得行消搖敵師阻渡殘衛保抽
矢旋車作容好秋瓜期渺河水深我安適歸宛邱道洪河
南注山川改彭軸遺墟究何在沙沉鐵鏃青燐低烏詔黃
蒿白月晦今日尚有高克尊一器崢嶸閱桑海雲霾風護

飲觀元人鬥牛圖即席分賦

北風捲地聲如湍庭前老樹驚翻瀾閉戶獨坐心悲酸忽
聞有客呼消寒倒屣出就行蹶跚炭爐煬酒、生骨飴餌
錯雜齊堆盤破除酒力與寒敵紙窗燈火餘清歡主人手
出尺素絹挑燈掣視邀同觀突兀牛四角雙勢何桓、一
牛豎立意未下一牛觝角先騰搏千人追呼衆擊鼓手指
駢集羣心攢揚鞭持搯趣牛鬥蹶蹴牛仆人低看鼓聲如
雷勢如激藏怒不發交相爭觶拂頓觀未已願出一語
聊為難兩牛果何謂無故相揮崇朝得失不肯讓勝負

豈值爭毫端當時鼓哀兩力盡勝者神敵負者完卷君此
圖置勿道細故齷齪安足歎君不見諸賁隱市賈手提兩
牛只一剖拍浮相勸毋自苦有酒千榼傾不數我醉甘罰
千童殺

嘉平四日同人再集詠淵如太史家藏高克尊

清人清人在河消聿歸不得行消搖敵師阻渡殘衛保抽
矢旋車作容好秋瓜期渺河水深我安適歸宛邱道洪河
南注山川改彭軸遺墟究何在沙沉鐵鏃青燐低烏詔黃
蒿白月晦今日尚有高克尊一器崢嶸閱桑海雲霾風護

初露土土花嫩食蒼苔古徑長一尺容二斗腰腹空大形
飲口雙螭環覆蛟龍蟠五十八字銘中刊曰作穆考丐眉
壽刀畫井井無毫殘嗟哉當時錯鑄成鶴鵝列隊宵無聲
鬣頭星高半空落兩毛牙摩鈍彫重英河流濺濺去何駛
飲腹難同簞醪水雨濕天寒潰兵哭此哭器能容淚幾斛
淵如太史雅好奇數錢得自關之西搜剔毫釐辨篆籀點
畫可證宣和遺手持拓本詩索我摩挲共此消寒可我生
好古已悲晚得見商周法物罕他日何由窺雁足討論更
刮千回目雁足盞同
時出西安

贈陳秋士

我友陳宋賦舉、黑而癯少生江之南山水靈其軀我聞
江南好水綠山縈紆時每際春夏花木爭繁蕪君何獨蕭
索自以秋士呼方君少年日十口是所餬曰非奉養志策
蹇來京都來登先公門貌訥言如愚當時門下士濟、干
餘徒君豈異於衆却退行徐趨先公益愛之目與衆與殊聞
海舊從遊掌記典赤苻武夷與玉華神物藏崎嶇搜竒掘
靈窟探索穿其窟又善用刀筆金石能雕鏤先公時有述
名勒山之岨巧解作書意神完全其膚爛柯有古碑神秘

莫可圖先公欲致之君奉命以徂長碑高百尺仰接靈龜
跌下臨懸崖顛上倚峭石顛風雲長呵護不使人挪揄攀
緣距其右伸紙揮手摹鬼怪失所守齊怒叱石殂危哉幾
墮絕忽有神來扶既歸張諸室矜奇如獻俘先公得之喜
珍祕瓊瑤珠自君歸閩海館我室西隅先公易箒時侍疾
心瞿瞿七日復周夜力竭顏如愉諸士來會葬君誼尤為
劬先公為文章不計名有無文成不易稿未禁人覆訛遺
篇八十卷草跡多模糊間取亦六書體時用古篆模或有
意未足點竄毫涵濡偶然興所至潑墨淋漓汗誰能識奇
字空使目睢盱君獨受而校細劾分毫銖斯文若有晦惟
曰某之幸每當不可識中夜踟躕以手持心莫釋寧闕焉
敢誣繁哉篇浩、三年功未敷披尋益不懈不遑家室廬
我以此感之神魂與之俱豈云形贈影直抵衾連綯三年
共相處相處頗不孤形骸各相忘豈辨爾與吾相知無不
語既語多齟齬君為人尚氣意拂心多懣幾欲割席甘投
箸起吐哺既乃復相笑無亦雅而迂憐君貌如削兀坐槁
以枯其中寔多情充若春扶蘇人或取諸外莫得窺其區
翻謂深且險疑忌心多狐不測城府堅虛用攻其鄂張軍

暗埋伏不敢來覬覦間謀探其壘既入乃坦途始愧交不
深貌取人者怛吁嗟君之來人海飄如蒲霜蹄已四繫伏
樞隨駘駑十年乖庭闈三月別新妹忽然動歸心思欲為
親娛願言就小別瞬息來可頷我聞君之行不敢留須臾
君行信自厚我言詎敢諛述交顛與末皓首無相渝

題小松摹寄虛谷畫像

金鄉縣漢平狄將軍扶溝侯朱鮪石室壁鐫畫像
中一人深衣寬博細目豐頤神似止友武虛谷黃
司馬易曾摹寄之虛谷既沒之明年其子穆淳持
軸來都因寫題一月廿八日
嘉慶庚申四月廿八日

驚如汲黯知難遇美似陳平更久貧剩有名山傳絕學後

來誰是訪碑人前十四字曩余戲贈虛谷句也因題是
幘乃續成之用誌今昔以歸諸嗣人

秋夕用元裕之韻

蕭疏深院綠陰存半掩柴扉似野村言念伊人如玉尺舉
頭良月似金盆涼風暗鼓寒蟲翼宿雨微侵暮艸魂羯鼓
今宵空塞耳年來秋意不堪論

耳秋山房消寒二集即事言懷和徐惕菴元韻

鴻瓜驚飛豈自由隔宵便似九逢秋偶從嫵婉分青眼儘
羨功名付黑頭風雪不移松柏性文章誰別古今流相看
脉、長相守漫擬前懷到女牛友人信芳相隔一城累試
不售閉戶不出六年之中

僅一見馬前歲七夕詩託云年、
七夕長相見何事人間恨女牛、

述懷

余辛酉歲服官山西時作也越五歲丙寅得迎太
夫人於太原省邸爰命工繪圖以見志歲庚午罷
職還京師杜門奉母以居又七載於茲矣故我依
然春暉正永用書往事幸遂初心

繫舟山外憶庭闈強任疇將始願違自分昔年無遠志可
能此日寄當歸烹鮮笑試持螯手返哺情殷倦鳥飛出岫
成霖應有待最難買得是春暉

詠雪

一樣足音寂寒燈分外清却疑明月照不似落花聲誰倚
瓊枝瘦如搖玉佩輕也應林下至寸、思俱盈

甲寅嘉平家季父自粵東以詩見寄恭依元韻

手訓傳溫語寒燈透燠和庭闈餐飭健骨月別離多時伯

川兩兄官山東性海期銷燄書林待遣魔承顏瞻日近名

覲傍鑿坡

丙辰正月家季父又疊前韻見寄依韻續呈

嶺嶠通安問書回歲始和驛梅傳信遠庭竹受陰多波定

三車法香澄八部魔春風長嘉卉移植傍陽坡

次吳山尊題畫元韻即以贈行

蒲帆輕掛柳塘邊碎、波紋靜裏喧秋色蒼茫歸思渺薰
葭深處認家門

潤烟猶曳綠楊村點點輕鳧靜轉喧歸去蒼茫秋色裏一
灣明月醮柴門

壽鄭母程太宜人

黃嶽鍾瓌秀古歆多名賢女宗出高族家法源伊川來歸
通德門淑慎爭相傳含章而飾性莊誦洗馬編

門稱百齡門宿在仁壽里君姑七葉前千金活萬指脫珥
紹前徽畫荻規衆子倏見河陽花萊衣映花美

諸孫長逾俊雅志託元亮燕市聊中隱臨風自豪放讀書
恥求名結友多奇尚請為壽萱吟歡志復何量

重陽日同人集知足齋中祝山尊孝廉生辰次桐生

太史韻

日月依辰值令時觥浮莩酒儘催詩行藏漫擬舟壑移去
任真如鳥匝枝幾輩登臨嘲落帽有人風雨感吟髭鄰窗
分得芭蕉潤卷軸猶堪借一癡

借蘭眉夜游訪客不遇口占

相依何事伴佳辰並轡天街試馬塵無奈東風不解意斜
烟深瑣一園春

紙窓輕透月朦朧一曲樓臺縹渺中小立庭歸塔未得夢
魂空踏五花驄

鼻煙來自西洋尚未經入詩什雲臺制軍適以之寄

惠率成三十四韻

行年六十九攬鏡嗟老醜浮生呼吸間誰能長不朽來日
幾兩屐去日等敝帚聲色本來空香味於何有因之百慮

捐嗒焉類芻狗緬想古哲人寓意恒不偶嗜好殊酸醎取
舍別稂莠盧仝茶七盃山濤酣八斗葍羹與菰飯逸興憑
消受所好或成癖無乃太矯揉愧我孱弱軀消渴兼病酒
何以遣永晝兀兀事枯守有懷天一涯節使阮公某滇南
鎖鑰重播德斯民牖本是神仙姿經腴味道久竭來雙鯉
魚開緘見兩甌中有無上品非脯亦非糗似發春甕馨未
異新芽剖諫果差堪擬味回非關口其名曰鼻烟厥產東
南藪誰覺清心妙曾聞木犀否方當病臥初昏睡驚跳走
一嗅鼻觀清再嗅神抖擻恬怡沁心脾椒辛豁蓬首恍對

素心人疎爽真快友疑入溫柔鄉老此猶嫌後滋味細膩
長難禁尤物誘自笑久忘懷胡為學馮婦那知見獵喜終
教結習狃感公萬里心瓊瑤惠何厚臭味詎差池薰蕕豈
襍糅願將同心言滌我胸中垢公為第一香我乃烟霞叟
賦詩代木桃為報仁者壽

賦得無腸公子

得無字

金衣雅號渾相符六跪三螯辨莫誣蘆葉洲前酣月露菊
花時節使江湖心因郭索知猶躁腸少縈迴那便無稻熟
梁深堪宿飽酒澆醬滌未曾枯漫云解甲仍稱婢孰道輸
芒亦喚奴滿腹雌黃空有目忘情咳唾也成珠堆盤徒取
尖團異別味奚從冷熱殊一日江南思九轉秋風不獨憶

蓴鱸

右先 祖少河公未之思軒詩艸也翰生也晚聞
全稿為劉燕亭世伯携去代刻未果日久遺亡今
亦無從求覓時竊憾之偶於敝簾中檢點殘編計
得各體詩六十二首因草錄一冊敬存

手澤以便珍藏

咸豐丁巳夏月

孫庭翰謹識





